

PARADISUS
VOLUPTATIS

FRUCTIFERIS PLANTIS
EXVBERANS

AQVINATICIS
LYMPHIS

IRRIGVVS,
AMÆNITATE VERNALI
VENVSTVS,
SALVTIFERIS ARBORIBVS,

ID EST

Septem Sanctæ Ecclesiæ

SACRAMENTIS
PLANTATVS.

Anno à Plantatione Floris Nazaræni, 1678.

SVB TEMPVS CELEBRATIONIS
COMITIORVM PROVINCIALIVM
Prouinciæ Poloniæ Ord. Prædicatorũ
In Conuentu Cracouiensi SS. TRINITATIS.

CRACOVIAE Typis Vniuersitatis.

IN PROTOTYPON Diui IOANNIS CANTII,
 REGNI POLONIÆ PATRONI,
 &
 Insigne Vniuersitatis Crac: Celeberrimæ.



B. IOANNES CANTIUS Polonus S. Th. in Vniuersitate Cracouiensi
 Doctor, Presbyter Secularis Romæ A.D. 1676.

S Armatia Craciq; decus, lux fulgida, mundi
 Cecropij, ac Lechico non tenebrosa Polo.
 Est geminus fulgor lucis, geminata, potestas,
 Quâ Tu dum gaudes, Astra solumque beas.
 Exponis Regum solijs, exponis & Aris
 Diuos cum generas, quis neget esse Deam?
 Deducuntque genus Tua Sceptra propagine Diuum
 Hoc seruat terras illud at astra tenet.

NTII,

imæ.



PARADISO TERRESTRI,
ORBIS OCULO, POLONIÆ DECORI,
THESAURO VIRTUTUM, ÆRARIO MORUM,
MATRI AC MAGISTRÆ OMNIUM SCIENTIARVM,
PRÆDILECTÆ AMICÆ DOMINICANÆ PROSAPIÆ,
ALMÆ ACADEMIÆ CRACOVIENSI,
ILLIVS FLAMMEO CHERVINO,

B. JOANNI
CANTIO,
REGNI POLONIÆ PATRONO.

NEC NON
PERILLUSTRI ac MAGNIFICO DOMINO,
D. RECTORI,

Perillustribus, Clarissimis ac Excellentissimis Dominis,

D.D. Sac: Theol: I. V. Medicinæ,
ac Philosophiæ Doctoribus, & Pro-
fessoribus, Magistris ac Baccalaureis,

TOTIQUE VNIVERSITATI
CRACOV: CELEBERRIMÆ.

Fr. MICHAEL PRZECIAWSKI, Sacræ Theologiæ
Studens Formalis, Ordinis Prædicatorum.

SUBMISSÈ OFFERT.



*Rescere. verni etiam temporis ad exordium deberet animus, nisi in
Paradiso voluptatis enatus. Aquinaticis Sapientia lymphis irrigatus ver-
nos TIBI dicaret fructus. DECVS VNIVERSITATIS, B. IO-
ANNES CANTI, MAGNIFICE DOMINE RECTOR, PER-
ILLVSTRES, CLARISSIMI, EXCELLENTISSIMI DOMINI PATRONI AM-
plissimi*

ALISSIMI. Ea enim est humanarum mentium obligatio, ut nisi iustum beneficij exsoluant gratitudinis tributum, ipsam videantur exuere humanitatem; vel solo Romanorum exemplo, Fontalia quotannis celebrant. Offero fructus, non aurea poma Hespericis enata hortis, ad quæ peruigiles ducit excubias Draco: non Rosam illam ex vulnere veris pullulantem. Quia hic est mens Paradisum fructifero Thesium decoratum germine PARADISO ACADEMICO consecrare. Et certè piaculum esset, cum ipsa tellus suos pandit fauores, meâ intra fauentissimi cordis latibula degere gratitudinem, nisi ad venustissimas veris delicias publicam prodiret in lucem. Pro-rumpit illa, & grati pectoris prætergressa limites, IAGELLONICÆ PALLADIS conscendit theatrum; eò sereniori spectanda oculo, quò frequentiori magnorum vir-tute & Sapientia Virorum presentatur in corona. Equidem intra vasi limites Or-bis, nullus est angulus qui nominis ACADEMICI Celeberrimi non sentiat odorem, nulla mundi Plaga, quæ B. IOANNIS CANTII non sit percussa fama. Ex hoc ACADEMICO Fonte haurit vniversus Orbis dulces scaturigentes lymphas, Haurit Ecclesia, haurit Respublica Polona, hauriunt vniversi, & tamen accrescit non decrescit. Ex hoc ACADEMICO VIRIDARIO, fructiferos omnes capiunt odores. Ex hoc IAGELLONICO PARADISO, fluunt festino cursu amnes aure-am secum asportantes arenam. Non numero hic innumeros Viros Sago & Toga insignes, tot præclaris virtutum splendoribus illustres, quot sunt lucentia firmamenti sydera, tot sanctitate præditos, quot inestimabiles inueniuntur gemmae, tot vna in-DEVM religione ardentes, quot pretiosa terrarum margarita, quot fecunda sunt in litoribus concha, tot insigni Sapientia videre est ornatas, quot virentia arborum ornamenta, tot diuinos Platones, quot naturalia viuientia, tot ingeniosos Aristoteles, tot facundos Tullios, quot sunt vniversi ornamenta. Ita sanè ut hæc omnia Orbis totus si nolit orbis oculo videri, prono ad nominis ACADEMICI venerationem, stupeat animo. Tam fertili ergò IAGELLONICO PARADISO Aquinaticum offero PARADISVM. Suscipe o Diue Lechici Orbis Patrone B. IOANNES CANTI hoc exile sat Theologicum munus, quod TVIS pedibus venerabundus dicat cliens, impetra Diuinarum Gratiarum fluentia sterile ingenium fecundantia. Suscipe & Tu Magnifice Dñe RECTOR, hoc grati animi documētū. Non respuatis, PER-ILLUSTRES CLARISSIMI, ac EXCELLENTISSIMI DOMINI PATRONI AMPLISSIMI, & TOTA VNIVERSITAS CRACOVIENSIS CELE-BERRIMA, Cui ego dum in ara gratitudinis, debitam lito hostiam venerationis, Matri meæ Dilectissima ACADEMIÆ, cuius filius vbera suxi, omnia secunda in secula perennia, nullis aduersantibus satis ex intimo corde medullitus precor, & dum externa de manu mea, submissionis signa sumitis, internum meum, & Totius Religionis meæ pensate affectum. PARADISVM hunc ACADEMICVM procul fugiant callidi serpentes formâ humanitatis laruati, quinimò dulci eius insciantur odore. Hic semper floreat & nunquam marcescat.

PARADISVS.

Ita vouet

Deuinctissimus Cliens

Idem qui supra.

PARADISUS


SEV

SACRAMENTA IN GENERE.



SACRAMENTVM est rei Sacrae seu Gratiae Signum sensibile. In hoc tam nouae quam veteris legis Sacramenta conueniunt vniuocè. Veteris legis plurima erant, legis Gratiae tantum septem; Cuius numeri optimam congruentiam assignat Angelicus Doctor; constantq; ex rebus sensibilibus determinatis tanquam materia, verbis autem vt formâ. quod si ita res vel verba transmutentur, vt in prioribus non remaneat eadem species, in posterioribus idem sensus, non conficitur Sacramentum. Sacramenta sunt necessaria ad humanam salutem, non ante, sed post peccatum. In pluribus inter Sacramenta legis Gratiae, & legis Veteris est discrimen: præcipuum est, quod illa non solum vt causae sine quibus non, sed ex opere Operato, id est, tanquam Physica instrumenta, ex Dei eleuatione per motionem quandam supernaturalem transeuntem assumpta, producant immediatè gratiam; in non ponentibus obicem; hæc autem infirma & egena Elementa erant, solum promittentia non causantia, quod significabant. Vnde qui illa his comparata, nec vtiliora, nec efficaciora assereret, procul dubiò ad minùs temerarius foret. Ex Sacramentis nouae legis, licet quodlibet determinatè suam gratiam causet, non omnia primam (nisi per accidens) sed aliquibus augmentum gratiae tanquam effectus per se correspondet: vnde etiam alia mortuorum, alia viuorum Sacramenta nominantur: Suntq; ex illis, quæ præter gratiam, Characterem tanquam effectum secundarium imprimunt; quem non habitum, sed potentiam vel actiuam, vel receptiuam esse tuemur. In Intellectu proximè & immediatè subiectatur. Horum effectuum DEVS est causa Physica principalis, vt habens potestatem authoritatis; humanitas Christi instrumentum coniunctum, & vt possidens potestatem Excellentiae. Minister Sacramentorum Nouae legis Ordinarius est solus Homo Viator: in quo ad perfectionem essentialem Sacramentorum, requiritur intentio, ad minùs virtualis faciendi, quod facit Ecclesia, vel quod fecit Christus; habitualis non sufficit. Quapropter à valida plurium Sacramentorum ministracione (licet illicita sit) infideles & peccatores non secernimus; si adhibeant omnia ad illorum valorem requisita.

LIGNVM VITÆ S E U BAPTISMVS.

RIMUM Nouæ legis Sacramentum necessitate cætera antecellens est Baptismus. Ideò primum, quia aliorum ianua. Diuiditur in Baptismum Fluminis, Fluminis, & Sanguinis. Prior & posterior hoc nomine insigniuntur, eò quod in necessitate Baptismi Fluminis vices suppleant, ille in Contritione perfecta, hic in martyrio consistit. Baptismus sanguinis seu martyrium gratiam ex opere operato etiam adultis confert. Baptismus Fluminis est ablutio corporis exterior, facta sub præscripta verborum forma, materia eius remota aqua naturalis, non alius aqueus liquor, vel ex herbis expressus, vel arte chymica extractus. Materia proxima est ablutio humano modo peracta. Forma *Ego te Baptizo, &c.* & sub explicita trium Personarum inuocatione, necesse est fiat: ita vt Baptismum in Nomine TRINITATIS aut CHRISTI hisce temporibus validum asseuerans, communi Doctorum torrenti sese opponeret. Minister solennitatis Ordinarius est Parochus; cui cum potestate Ordinis, etiam illa Iurisdictionis competit. Extraordinarius Sacerdos, vel Diaconus ex Commis- sione: Necessitatis Minister quilibet homo, dummodo sit capax abluendi, cum intentione faciendi quod CHRISTVS instituit, aut vera facit Ecclesia. Nemo potest seipsum Baptizare, nec à pluribus simul abluentibus & dicentibus: *Nos te Baptizamus*, Baptismus collatus alicui validus est. Non licet, publica etiam autoritate Principis vel Communitatis, baptizare, inuitis parentibus; pueros infidelium, qui politicè tantum, & ciuilitè, subsunt Ecclesiæ seu Principibus Christianis. Filii autem seruorum seu mancipiorum infidelium, inuitis Parentibus baptizari possunt. Nullum absque Baptismo in re vel voto susceptum, saluari posse fides Catholica docet. Baptismus fictè susceptus reuiuiscit, & recedente fictione suum ex opere operato producit effectum. Effectus ipsius primarius est gratia regenerans, remittens, tam Originale quàm personalia ante Baptismum commissa, & simul cum culpa omnem poenam: quantitatem gratiæ in paruulis, ex libera DEI voluntate: in adultis ad mensuram dispositionis arbitramur. Secundarius Effectus character.

LIGNVM VITAM ROBORANS S E U CONFIRMATIO.

BAPTIS-



BAPTISMO Confirmatio succedit, in Baptismo enim generamur ad vitam: In Confirmatione roboramur ad pugnam, verè rationem Sacramenti obtinet, immediate à CHRISTO tam quoad materiam quàm quoad Formam instituti: Illa in Chrismate vñctioneque Baptizati consistit: hæc in verbis *Consigno te Signo Crucis &c.* Chrisma est Oleum oliuarum ab Episcopo consecratum Balsamo mixtum, quam mixtionem esse non solum de necessitate præcepti, sed etiam de necessitate Sacramenti manifestè ex Diuo THOMA colligimus. Simplex Sacerdos potest esse huius Sacramenti minister, non tamen Chrisma valet consecrare: præcipuus Confirmationis effectus, est gratia corroboratiua, ad publicè fidem profitendam, minùs principalis Character, qui Baptismalem necessariò supponit. Pueris ante vsum rationis validè, non conuenienter confertur hoc Sacramentum. Ex naturâ suâ gratiam in subiecto requirit, per accidens potest sufficere attritio, in casu hîc à D. Thoma expresso. Nullâ lege quis ad Confirmationem obligatur; vnde citra contemptum non Confirmari, peccatum non est.

LIGNVM VITAM NVTRIENS S E V EVCHARISTIA.



EVCHARISTIA quò aliis Sacramentis præstantior eò vñu est singularior; pãrs enim essentialis eius, non est vñus materiæ; sed tam quâ Sacramentum, quàm quâ Sacrificium, admirabili materiæ transubstantiatione, conficitur. Supponit vt Sacramentum, non pro Corpore Christi, consecratione, aut sumptione; sed pro speciebus consecratis in re-cto. Cum materiali multiplicatione, vñum formaliter est. Necessarium necessitate medij in voto, tam paruulis, quàm adultis, his etiam necessitate præcepti, tam Diuini quàm humani necessarium. Materia huius Sacramenti est panis naturalis, & vinum de vite, quorum consecrationem simul iungendam Ius Diuinum præcipit, requiritur amborum præsentia, neque vt minor sit quantitas eâ, in qua panis & vini substantia conseruari potest. Panis naturalis (inquam) qui ex farina triticea & aqua naturali igne decoctis constare debet, ita vt sit panis idoneus ad esum, vel Cibus vsualis esse iudicetur, sit Azymus vel fermentatus: peccaret tamen Sacerdos Latinus in fermentato, Græcus in Azymo celebrans. Vinum ex vuis expressum non agreste, aut quomodocunq̃ artificiale alia partialis materia, cui ex Ecclesiæ præcepto parum aquæ miscendum, ita vt

in vinum transeat: nam alias esset consecrationis incapax. Forma Corporis necessitate Sacramenti est hæc. **HOC EST CORPUS ME-
V M.** Forma Sanguinis **HIC EST CALIX SANGVINIS MEI &c.** omniaque verba, quæ in Consecratione Calicis proferuntur esse de Substantiâ Formæ cum **DIUO THOMA** Doctore Angelico affirmamus. Vtraque forma ad Admirabilem illam totius Substantiæ Panis & Vini, in verum Corpus verumque Sanguinem **CHRISTI** conuersionem ritè à Patribus transubstantiationem vocatam concurrunt; Substantiâ Panis & Vini nullatenus remanente, persistentibus independenter à substantiali subiecto supernaturaliter accidentibus Eucharisticis. quæ tamen in Quantitate subieciuntur. De modo Ineffabili existendi **CHRISTI** sub speciebus discurrant peritiores exactius, nos totum **CHRISTUM** sub vtraque specie latere toto corde confitemur, totum, in toto, & totum in qualibet parte, ad diuisionem vel corruptionem specierum, indiuisum & incorruptum, quantitatiuè quidem existentem, non extensiuè in ordine ad locum, sed tantum modò in ordine ad se, & per modum substantiæ: ab oculo corporeo non supposita eleuatione inuisibilis est. Aliud in hoc Sacramento ex vi Sacramenti, aliud ex naturali concomitantia continetur: Ex vi Sacramenti sub speciebus panis solum Corpus, sub speciebus vini solus Sanguis occultatur; vtrobique ex vi immediatæ concomitantia Corpus, Sanguis, & Anima; ratione verò mediata concomitantia verbum & Diuinitas, ratione etiam huius Pater & Spiritus Sanctus, specialiiori tamen modo in Eucharistia, quam in alijs rebus existunt. Minister Eucharistia conficiens, solus Sacerdos, cui est necessaria intentio, ad determinatam materiam directa: dispensans ex commissione potest esse Diaconus; recipiens quilibet homo, viuēs, baptizatus, & vsu rationis pollēs: Innumeros hoc Sacramentum sumētibus parit effectus: Inprimis gratiam auget, minuit concupiscentiam, moderatur peccati fomitem; excitat insuper in appetitu sensitiuo salutes ad virtutum operationes motus, & ex opere operato medio Charitatis feruore peccata venialia remittit, & à mortalibus præseruat. Denique excellens quoddam robur ad perseuerandum tribuit, & actualiter attendenti, miram quandam animi dulcedinem conciliat. Eucharistia & rationem Sacramenti, & simul Sacrificij habet; Sacramenti quidem in quantum sumitur; Sacrificij autem in quantum offertur: nam eadem formaliter hostia, quæ modo cruento Deo Patri fuit in Cruce oblata, modo Incruento oblata fuit in Cæna, & offertur in Altari sub speciebus Panis & Vini; Offerens principalis est **CHRISTVS**, Instrumentalis Sacerdos qui suo interuentu, huius actionis Theandricæ infinitatem moralem limitare non potest; Infinitatem non quantum ad efficaciam, sed quantum ad sufficientiam. Æqualiter, quoad fructum Impetratorium & satisfactorium, pro vno ac pro millibus in particulari oblatum prodest; non propterea omni Sacerdoti, vnico Sacrificio

pluribus

pluribus
ad re
quent

LI



do r
fa D
Ch
præ
la d
Ma
den
talia
esse
cat
cra
scie
am
dist
stit
pos
fec
tio
ter
ex
qu
qu
est
ca
bi
on
Sa
su
tu
co

pluribus stipendijs satisfacere licitum credendum; sed eos meritò ad restitutionem ab VRBANO Octauo Die 25. Iunij. 1625. consequenter & suis successoribus, obligari, sciendum.

LIGNVM VITAM RESTITVENS S E U P Æ N I T E N T I A.



P Æ N I T E N T I A tum virtus tum Sacramentum; vt virtus, est qualitas infusa ab alijs virtutibus distincta, propriæ Iustitiæ supplementum, hâc odio habemus peccatum, vt ius Diuinum violans, & ipsa voluntatem, ad commissâ peccata plangenda, & læsum ius dolendo refarciendum perfectè inclinât. Eius formale obiectum est offensa Dei vt expianda. Pœnitentia vt Sacramentum, immediatè à CHRISTO institutum consistit in aliquibus Pœnitentis actibus, sub præscripta verborum forma; rectè secunda post naufragium tabula dicitur, naufragis necessitate mediij in re vel in voto necessaria. Materia Pœnitentiæ remota, libera vna, necessaria altera, libera quidem, peccata venialia; & mortalia aliàs Confessa; necessaria, mortalia: proxima materia, Contritio, Confessio, & satisfactio. Forma essentialiter in his verbis *Absoluo te per modum Iudicij*, non deprecationis, sita est. Quantum ex se habet efficaciam ad effectum Sacramenti communicandum. Minister solus Sacerdos potestate & scientiâ præditus: Potestatem in Ordinis. & Iurisdictionis partimur ambæ in ministro indispensabiliter requisitæ; & posterior est omninò distincta à priori. Contritio est Essentialis Sacramenti pars, consistit essentialiter in dolore de peccato, vt est offensa Dei, & præsuppositiuè tantum in odio seu detestatione ipsius. Diuiditur in perfectam & imperfectam, quæ alio nomine attritio vocatur: Contritio est dolor de peccatis propter Deum summè dilectum, cum intentione confitendi & satisfaciendi. Attritio est dolor de peccatis ex alio motivo quàm Charitatis, id est ex aliquo motiuo honesto quod non sit ipse Deus, quatenus in seipso est Summum Bonum à quo peccatum mortale auertit. Huiusmodi verò Attritio duplex est: vna oritur ex metu gehennæ & aliarum pœnarum, altera ex peccati fœditate. Attritio ex metu gehennæ est actus bonus & laudabilis, ac utilis ad salutem, estque dispositio sufficiens ad Iustificati-
onis gratiam in Sacramento Pœnitentiæ obtinendam. Ad huius Sacramenti Effectum requiritur attritio supernaturalis vera & non sufficit apparens seu exstimata, nec sufficit naturalis, quæ supernaturalis exstimetur; debetque esse vniuersalis circa peccata mortalia commissâ, non tamen est necesse vt sit vniuersalis circa venialia;
C debet

debet necessariò præcedere absolutionem, non tamen Confessionem: speciali præcepto tenentur omnes qui sunt in mortali peccato actum Contritionis elicere; in lege tamen noua sufficit attritio cum Sacramento; neque statim ac peccatum commissum est, neque statim ac occurrit memoriæ commissum, tenetur homo actum contritionis elicere. Confessio Essentialis pars Sacramenti definitur: Latentis morbi spiritualis manifestatio cum spe veniæ. Iure Diuino & Humano est obligans omnes qui per Baptismum regenerati lethali- ter deliquerunt: Conditiones eius sunt veritas, & integritas; Tunc vera est Confessio quando certa vt certa, dubia vt dubia confitemur; Integra verò quando numerum, & speciem, peccatorum, eorumque circumstantias, naturam actus mutantem, aperimus. Quando Pœnitens aliter suum peccatum explicare non potest quam personam complicitis reuelando, potest imò & tenetur ob Integritatem suæ Confessionis Personam complicitis indirectè manifestare, si non timeatur periculum infamiæ. Confessarius verò tam strictam Sigilli Confessionis obligationem habet, vt nè quidem in periculo boni Communis, aut in quantacunque necessitate liceat ipsi illud violare. Inter materiales Sacramenti Pœnitentiæ partes est satisfactio, Pars solummodo Integralis, in Commisione satisfactionis opus prudentiâ, non sit excedens, nec diminuta, sed proportionata culpæ & Personæ: non satisfacere Pœnitentiæ iniunctæ cum medicinalis sit, grauè peccatum est. Pœnitentiæ Effectus est gratia peccatorum post Baptismum Commissorum remissiua.

LIGNVM VITAM IN INFIR- MITATE IUVANS

S E U

EXTREMA VNCTIO.

SACRAMENTVM hoc vnum numero, quàmuis ex quinque vnctionibus coalescat integraliter, in vna nihilominus Essentialiter consistit; à caterorum Institutore, etiam suam habere institutionem Concilia prædicant: Cuius materia remota Oleum oliuarum ab Episcopo consecratum. Forma, *Per istam Vnctionem &c.* modo deprecatio prolata. Minister solus Præbyter; Subiectum agonizans peccati capax: Effectus primarius, gratia remissiua reliquiarum peccatorum, restituens hominem pristino vigori, ad actus vitæ commodè exercendos; Dispositio subiecti ad digne suscipiendum, est Contritio vel attritio contritio existimata: in vna & eadem infirmitate non iterandum, benè tamen in diuersis, seu in distinctis statibus infirmitatis: sola enim Sacramenta Characterem imprimantia initerabilia sunt.

LIGNVM

LIGNVM VITAM AD DEI CVLTVM ORDINANS.

S E U

ORDO.



ORDO per quem spiritualis potestas confertur Ordinato; Sacramentum est ad bonum vniuersi regimen, a rerum omnium prouidentissimo Prouisore destinatum. Septem tantum sunt Ordines; unicuique propria materia, & forma, specialia munia, propriusque character attributus. Singulis item Sacramenti ratio & natura communis: vnum tamen Sacramentum conficiunt. Materia remota est res quæ in ordinatione traditur, proxima eius traditio & acceptatio, & non interueniente reali contactu ad Sacramentum non sufficit. Minister solus Episcopus; potest tamen ex Summi Pontificis licentia minores, secus verò maiores ordines conferre quilibet Sacerdos. Suscipiens, masculus, adultus; infantes validè, non licitè, ordinantur. Conditiones necessariæ sunt, imprimis Intentio, deinde, Dispositio quæ ad Sacramentum viuorum recipiendum requiritur. Prima tonsura dispositio ad ordines. Episcopatus est Præsbyteratus perfectio.

LIGNVM GERMINANS

S E U

MATRIMONIUM.



MATRIMONIUM magnum Sacramentum, vt naturalis contractus, & vt Sacramentum legis Gratiae considerari potest; sub hac consideratione definitur: Quod sit coniunctio Sacramentalis viri & feminae, vt inter legitimas personas indiuiduam vitæ Societatem retinens: Corpora contrahentium materia eius remota, consensus mutui verbis vel signis expressi, prout sunt traditio, materia proxima: prout vtrinque acceptatio, forma: Contrahentes, Minister & subiectum quod in hoc Sacramento peculiare est. Parochus testis qualificatus, quo non presente post Concilium Tridentinum, in locis vbi receptum est, irritum est Matrimonium, Ecclesia non inuvalidante Sacramentum, sed annullante contractum super quem

Potestatem habet.

Planta-

PLantatori Huius Paradisi IESV
CHRISTO Domino Nostro
Laus sit ab omni Creatura. Diuo
THOMÆ Aquinati Doctore
Angelico eius Irrigatori ab omni-
bus Scholasticis Grates.



*Propulsabit senos ab hoc Paradiso Aquilones idem qui supra.
Fauente sibi Gratiofo Fauonio A. R. P. Sacrae Theol. Prae-
sentato Patre IUSTO SŁOWIKOWSKI, Studij Generalis
Cracouiensis Ordinario. Baccalaureo. Cracouiæ ad Aedes San-
ctissimæ TRINITATIS Ordinis Prædicatorum.
Die Mense Anno ut supra. Horis pomeridianis.*